



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Doct. Martini Lvtherii Avgvstiniani Theologi Synceri
Lvcvbrationvm Pars Vna, quas ædidit usq[ue] in annum
præsente[m] XX. Catalogum earu[m] uersa tibi pagina
indicabit. Alio Tomo, Domino Volente, ...**

Luther, Martin

Basileae, 1520

VD16 L 3411

Martinvs Lvtherivs Pio Lectori Salvtem In Christo.

urn:nbn:de:hbz:466:1-34878

MARTINVS LVTHE

RIVS PIO LECTORI SALVTEM

IN CHRISTO.



UPER propositionibus tredecim resolutiones meas, nuper tumultuario negotio ædidi, ut ferebat, & temporis, & occupationum mearum ratio, ita enim cogor pene imparatus, pessimo nomini, quod mihi a multis intentatur, occurrere. Quas cū uideam maiore studio peti q̄ speraueram, uisum est, eas sub in eadem reuocatas augere, uel emendare saltem, si qua digniore facie in publicum uenire possint. In qua re, optime lector, te primum oro, ne stili mei uarietatem mireris. Sum plane aliquando sordidior, penitusq̄ mei dissimilis, quod de industria facio, quod mihi non sit spes nominis & memorie futurae, nec tale quippiam unquam quesiui. Sed sicut ut in publicum tractus sum, ita cogito semper, q̄ possim, citius redire in meum angulum, saluo Christiano meo nomine. Habere enim puto Theatrum meū suam horam. Post me alius sequetur, si dominus uolet; ego tempori meo satisfecerim. Videor & multis paulo durior in aduersarios, & uelut modestie theologicæ oblitus. Hic si qua & alia uitia mea inueniantur, non magnopere deprecor culpā quod hoc me alia causa facere nō sum mihi conscius, q̄ nimio publici tædio & odio, in quod me mergūt illi, plurimum mihi pretiosissimi temporis suffurantes. Deinde, quod tam p̄fractos & obstinatos oblatratores patior, ut e quauis syllaba, mihi ignominiam, sibi uictoriam nominis Christiani, insidiosissime & pertinacissime quaerant; ut malo nodo, malus mihi cuneus necessarius uideatur. quanquā uideor mihi, stomacho me multam semper fecisse uim, ne facerem quæ possem. Et nescio, si molliter simul & utiliter tangi queant, qui in ueteratissima iam diu cōsuetudine opprobrii hæretici nominis, ita in iudicandis aliorum scriptis obstupuerunt, & ad audiendam ueritatē obduruerunt, surisq̄ opinionibus obsurduerunt; ut uix caduceo diuino quopiam excitari posse uideatur. Ut id taceam, q̄ intolerabile sit, leuiter arguere eos, qui e templo dei speluncam latronum fecerunt; & e scriptura dei, negotium hominum; abominationē eā e loco sancto, & CHRISTVS flagellis pepulit. & PAVLVS dure increpandos censuit hos uaniloquos. Nā id coguntur, uelint, nolint, confiteri, sacras literas passim in uniuersalib⁹ studijs fuisse neglectas penitus, quācumuis sese iactent scripturas intelligere religiosius, humano aliorum sensu, q̄ illarum proprio. Ego mihi nolo hāc cantari cantilenā, nec saltitabo ad eam. uolo, non iudice humano die scripturam, sed scriptura iudice, omnium hominum scripta, dicta, facta intelligere. Postremo omnium criminū nomina, modeste & patienter tulisse, laus esto. At spoliū nominis Christiani, rapinam gloriæ dei, abnegationem Christi (quod moluntur, qui hæreticum tam facile q̄ temere pronunciant) agnouisse, ac non potius usq̄ ad sanguinem omnibus uiribus reclamasse, anathema sit. Proinde qui me patientem desyderāt, primū alio q̄ hæretico, perfido, & apostatico nomine criminentur; aut, quod debent, talem me esse prius conuincant. Neq̄ enim mihi retaliasse uideor quenquam talium criminatōrū, etiam si sexcentis nominibus malis eos onerasssem. Hæresis

resis enim similia sibi monstra nō habet, cum sit peccatum in spiritum sanctū;
Quanquā intutus omnīū sanctorū exempla, & impotentem illorum animū,
qui tam celebre hoc crimen faciunt; pene mihi persuadeo, non minus ferendū
esse hæretici, q̄ cuiuscq; uitij opprobrium. Quādo & Christum habere damo-
nium Iudæi insaniebant, obsequium deo se præstare arbitrati. Verum, ut sit
nullius persona unquā mihi erit odiosa, qui sperem omnes nos tandem paca-
tos in regno Christi uicturos in æternum. Causam uero scripturæ sanctæ,
si concitati ore zelo egero, ueniā mihi spero iustam non negari. quod
non possit esse par ullius læsio seu iniuria, cū iniuria diuinæ scri-
pturæ collata. Hic enim uita nostra læditur æterna; illic pu-
tridum nomen corruptibilis hominis. Dominus au-
tem ipse Iesus regat & seruet nos omnes, custodi-
atq; corda, & intelligentias nostras,
Amen. Vale optime
lector.

